







C.A. ~~8=5~~ 6A=6

64-9

19.24

3/3

Jul 86
no 94 96


96

LILII GREGO

RII GYRALDI FER
RARIENSIS POE-
MATIA.



VIRTUTE DVCE,



COMITE FORTVNA,

LVGDVNI APVD SEB.
GRYPHIVM,
1536,

IOANNES MANARDVS

SYMPHORIANO CAMPEGIO,

uīro omni laude maiori,

S. P. D.



ID E quanti te faciā, quantumq; diligam
Symphoriane: quotquot enī bonos uīros, hoc
est, literis pariter, & sanctis moribus ornatos
cognoſco, eos tibi totis uiribus conciliare labo
ro. Quod cū nuper cum Lilio Gregorio Gy
raldo, uīro omnibus numeris extollēdo, peregerim, ita eum
tuum feci, ut te non minus iam charum habeat, quā me,
quem supra VII. lustra dilexit. Quod ut agnosceres, carmi
na quaedam sua, quæ mihi iamdudum dicauerat, tibi quoq;
pariter dicauit: ut facili, non solū tu, sed uniuersa simul Eu
ropa cognoscere posset, tali nos uinculo adstrictos, & nodo
deuinctos, ut nulla, nec mortis etiā, uī dissolui posset. Dis
cantq; posteri, ueram quoq; amicitiam inter tres posse con
tingere: Si duo tamen dicendi sunt, quorum una sit mens, &
una uoluntas. Quod si uerum quoq; in rebus humanis est,
quod Mathematici in quātitatibus statuunt, ut scilicet quæ
cunq; eadem sunt uni tertio, inter se quoq; sint eadem: iam
non tres erimus, sed unus: tria q; erunt Campegij, Liliij, Ma
nardi corpora, sed una tantum mens, atq; ut sequēs est, unus
qui uerē homo dici meretur. Tanta enim uīs amoris est, ut
unum sint qui se uerē amant. Accipe igitur hos hymnos læ
ta facie: atq; ubi eos legeris, Sebastiano Gryphio, inter eos
qui libros formis excudunt solertissimo, imprimendos da
to, mutuæ inter nos amicitiae perpetuum testimo
nium. Vale mi Symphoriane, & cum per ma
gnas tuas occupationes licet, aliquid
tuarum literarum nobis
impartire.

Ex Ferraria VI. Calend. Octobr. M. D. XXXV.

D. SYMPHORI-

ANO CAMPEGIO, EQVITI

aurato, domino Fauergiae, Medico peritis.

omniumq; bonarū artium cultori am

pliss, L. Gregorius Gyraldus

S. P. D.



ABEO eruditiss, Symphoriane immor-
tales gratias Manardo, nostrū utriusq;
amantis. Qui ut est doctiss, ipse ac opti-
mus, ita doctissimorum omnium bucci-
nator est, & preco. Is igitur, cum ego su-
perioribus mēsis ex geminatis cladibus afflictus,
Romana altera, altera Mirandulana, tum demum in
patriam reuersus essem, inter habitos, ut sit, inter nos
sermōnes, in tui mentionem incidit; cumq; ille de te ea
quæ debuit locutus fuisset, tum etiā pleraq; tui inge-
nij monumenta, & ea quidem uaria mihi ostendit, ex
quibus multijugam omniū fermē disciplinarum, ne-
dum, quam profiteris, medicæ facultatis eruditio-
nem, & censuram facile perspexi. Quare ut ab eo dili-
gor, ita tuæ captandæ beneuolentiæ cupidissimus fa-
ctus, poëticum hoc nostrum munusculum, non illud
quidem te dignum, qualecunq; tamen, ea causa ad te
misi, ne scilicet tuam cupiens inire beneuolentiā, uacu-
us omnino te adirem. Quod si qua parte tibi forsan

a 2 arrise

arriserit, post tuam, quam in omni facultate ex tuis
scriptis aduerti, limam adhibita, des operam rogo, ut
tuis auspicijs literarum formis istic excudatur, idq; in
primis ea ratione facito, ut si minus natua specie con
spicuum fuerit, ascititia saltem, & peregrina, in testis
moniu tuæ mihi inite beneuolentiæ locupletissimum
in ora hominum prodeat. Vale. Quem uita, & merita
Iuppiter auctet ope. Ex Ferraria tertio Calend.
Octobr. M. D. XXXV.

Eidem Symphoriano Camp.

Miraris fortasse Campegi Ornatiss. quibus ratio
nibus nouus ego amicus usq; adeo tibi beneuolentia
deuinciar, quem neq; unquam coram conspexerim,
allocutus ue fuerim. Sed ea in primis me causa impu
lit, quod cum Manardum uirum (ut nosti) preter
morum & uitæ integritatē, totius naturæ consultiss
imum unū precipue colam, teq; is uehemēter & amet,
& admiretur, ob scilicet diuinas egregiasq; ani
mi tui dotes, ut te quoq; amem plurimū
atq; obseruem necesse est; paribus
enim lineis Triangulum res
ctum cohærere conue
nit. Vale ite
rum,

LILII GREGO

R II GYRALDI FER
RARIENSIS POE-
MATIA.

In LXXIII, Manardi diem
natalem,



VNC natalitium tibi libellum,
Te dignum facit una quē uoluntas,
Mittit Lilius hoc die Manarde:
Quo Phœbus deciesq̃ septiesq̃
Natalem, tribus additis, reducit.
Hunc lætus cape, sic diēs recurrat
Hic, o sic tibi sæpius Manarde.

Ad Phœbum in LXXIIII, diem
natalem Manardi,

HVnc o Phœbe diem precor Manardo
Lætum atq̃ incolumem diu reducas:
Modum ut pulueris expleat Sibyllæ.
Nemo purius, innocentiusq̃
Artes excoluit tuas medendi,
Quam dat uitam alijs, meretur ipse.
Sic aræ caleant tibi quotannis,
Et uultus radij tui nitentes
Nullis dispereant, precor, tenebris.

a

3

Hymnus

Hymnus ad D. Gregorium
Pontificem Max.

IAm quibus ipse satis coelo te laudibus æquem,
Sancte pater, terris ingens, ingentior astris?
Quid prius? an ne pios mores, miracula ne rerum?
An sacrum de more caput triplici infula uitta
Cum redimit, terno cui surgunt ordine turre:
Argumenta dei unius de numine trino?
An cum te latebris latitantem prodidit ales?
An referam cum uota facis, cum altaribus ipsis
Assistis tibi se manifesta ut luce uidendum
Exhibet ipse deus frusti sub imagine carnis?
An cum perpetuis inopes confidere mensis
Ante iubes uili sese demonstrat amictus?
Et cum coelesti mendici in ueste ministro
Ut nil exuperet donas cratera relictum?
Te propter nostro diuisa Britannia mundo
Supplex thuricremis aris imponit honorem,
Et signum complexa crucis, te propter eundem
Religio seruata tui de nomine ritus,
Vndique diuinis resonant & uocibus aræ.
Tu rem Romanam magno turbante tumultu
Seruasti precibusque pijs, patribusque uocatis,
Nec te ullæ insidiæ, non terruit ipse tyrannus
Sceptra tenens, non qui castris circumstetit urbem
Obsidione premens longa, sed inanibus armis.
Hic ira quondam superum miseranda coorta est

Pestil

Pestilītas, totā quæ exhausit ciuibus urbem,
Quæ genus omne neci pecudum, genus omne uiroꝝ
Corripuit, miserāq; infecit pabula morte.
Nec facies erat una necis, non omnibus una,
Sed diuersa modis: illos facer ignis edebat:
Hos papulæ ardentes, atq; inguinis ulcera tetra:
His ubi anhela sitis languentes coxerat artus,
Sudor abundabat fluidus, mortemq; ferebat.
His artes cessere malis, cessere magistri
Phillyrides Chiron, Asclepiadesq; Machaon.
Serpebant magis inq; dies contagia morbi,
Cum tē cura uigil (nomen fecere priores
Vnde tibi) tacito uersat sub pectore fixa.
Ceum cum peste gregem uidit sibi Thestalus omnem
Absumi pastor, uel qui colit Atthidos arua.
Ipse quidem populū miserans, patremq; cadentem
Ante aras superūm, coramq; altaribus ipsis
Ad cœlum tollens oculos, ita farier orsus:
Summe pater diuūm, cuius de nomine nomen
Sortiti, licet immeritum, tuq; optima uirgo,
Virgo parens, nostræ tandem miserescite sortis,
Et tandem infandis miseros arcete periclis,
Sat luimus poenas scelerum, sat damna superq;
Pertulimus, propius tandem spirate secundi,
Et prohibete minas, & tetram auertite pestem,
Namq; hæc o' superi uos & maiora potestis,
Vobis iste dies, uobis stata sacra quotannis

Suppli

Supplicibus uotis, nitidaq; in ueste ministris
Perq; urbis uicos, perq; agri compita lata
Dicentur, magna populi comitante caterua.
Sic ait : Ecce autem subito deuectus olympo
Nuntius excelsa confidens mole sepulchri
Nunc ubi nomen habet, madefactū sanguine telum
Exertum abstergens, pacis dat signa futura.
Ergò prodigio læti clamore secundo
Accelerant promissa olli pæana canentes,
Supplicibus superant donis amburbia circum
Concelebrant populo ex omni turbaq; frequenti.
Salue sancte pater Romani maxime custos
Imperiij, salue ò iterum decus addite magnis
Cœlicolis, uictor sedes inuecte supernas
In numerum diuūm, summiq; in tecta tonantis,
Funde tuo placidam populo pater inclyte pacem,
Effice per maria ac terras sopita quiescant
Bella, nec Aufonium quatiat furor impius orbem.
Respice pastorem Medicen, tranquilla gubernet
Tempora, cumq; suo uiuat grege dignus olympo.

Ad D. Annam Corycij.

ERgo unus te diua meo sine carmine mittam;
Sim licet exiguus uates, frustra q; poetis
Immixtus thiasos tentarim inducere Musis.
Tu mihi diua parens animos, & pectora presta,
Si te

Si te Corycius parid de marmore, si te,
Si natam intactam posuit, magnumq; nepotem.
Ille etenim, magno uestri perculsus amore,
Erexit delubra, tuo de nomine dicta.
Stas primū complexa ambos natamq; nepotemq;
Inq; sinu repit, tenerisq; amplectitur ulnis
Vos puer, ætherius puer, æterniq; parentis
Progenies æterna, & nulli obnoxia culpæ.
Quæ tamen humanas luit, & scelus omne piauit,
Vnde tibi merito soluerunt ora poetæ,
Et laudes cecinere tuas, præclaraq; uitæ
Munia, ut acta tibi castæ incunabula, molles
Non inter luxus, uanis non dedita curis,
Sed templis assueta frequens, precibusq; tonantem
Supplicibus oneras, uestales inter amatas,
Vt coniuncta uiro Veneris despexeris ignes,
Cœlibe coniugio longos ut duxeris annos,
Vt te confectam suprema ætate tonantis
Prodiderit liquido demissus ab æthere castam
Esse dei matrem parituram nuntius ales.
Tu proprias partiris opes, pars tertia templis
Est instaurandis data, pars data tertia egenis,
Tertia pars uobis seræq; alimenta senectæ.
Per te confecti curis morboq; salutem
Accipiunt, per te & laniati corpore toto,
Quot per te falso damnati crimine mortis,
Quot uarijs terræ, pelagiq; erroribus acti,

b Atq;

Atq; hominum insidijs seruat; Tu ò bona mater
 Nunc ò nunc dubijs tantum ne defice rebus
 Italiæ, uideas quo sint discrimine regna,
 Aufonius quantis turbetur fluctibus orbis.
 Tunc age si qua uia est, si quam tibi nata neposq;
 Ostendunt (neq; enim frustra tibi numina tanta,
 Nec pater omnipotens uestro est de semine natus)
 Da pacem potius, & magni Cæsaris arma,
 Gallorumq; truces animos in barbara uertas
 Sceptra ducū, Turcasq; feros, hoc Maximus optat
 Hoc Leo, mortiferum cui cura auertere bellum,
 Et pacem proferre orbi. Tu diua Leonem
 Respice, iactatum tanto sub pondere rerum:
 Respice, compositis regum ut discordibus armis
 Conueniant proni & pedibus dent oscula sacris.
 Hæc ego Corycij dum spectro forte facellum,
 Innumerū q; lego uacuis pia carmina uatum,
 Anna tuo mirum incensus meditabar amore:
 Nam quem non moueat tantæ pietatis imago?

Hymnus ad Diuum Leonem Pont. Max.

O Qui me gemino Parnassi in uertice sistat;
 Aoniumq; mihi præsentî numine plectrum
 Sufficiat; dum te canimus Leo Maxime, cuius
 Auspicjs felix tranquilla per otia pacis
 Mundus agit, ueteres & dediticere tumultus

Mort

Mortales, Sæuus cum iam fera bella tyrannus
Intentans, summa cuperet dominarier urbe,
Ferret & indomitos malefano in corde furores,
Eduxit Scythicamq; manum, populumq; ferocem
Vastantem late loca, dumq; ea fama uagatur,
Italix gentes omnes, Romanaq; pubes
Ancipiti est perculsa metu, spes nulla salutis,
Nulla fugæ ratio est, ostentant omina dirum
Exitium: haud aliter Gallis intrantibus urbem
Pertimuit, uel cum Cannensi clade superbus
Annibal insultans urbi est extrema minatus,
Ergò, te populus, te plebs, adiere patresq;
Orantes ueniam diuos, pacemq; per aras
Exquirunt, miserascq; ferunt ad sydera uoces.
At tecum (miseratus enim) tum plurima uoluens
Obuius ire paras regi, si flectere mentem,
Si possis dictis animum ad meliora referre.
Est locus, Eridano quo se se Mincius ingens,
Mincius ocneas gelido qui pectore flammæ
Seruat adhuc, uatum placidus quiq; irrigat ora
Miscet agens: huc iam prouectus barbarus hostis
Venerat armato stipatus milite denso.
Illum hoc forte loco parua comitante caterua
Offendis fidens animi, atq; interritus armis,
Non tibi baccatum triplici diadema corona,
Non peplum ex humero signis auroq; coruscum,
Sed lituus tantum præit, niueaq; minister

Discinctus tunica. Tum rex consistere iussit
Agmina, miratus quæ sit fiducia inermi.
Ecce autem (mirum) facies emittere lumen
Visa tua est, subitoque ignis splendente corona
Inuolui, summoque duos de uertice diuos
Fundere, lambebatque comas & tempora flamma.
Rex pauidus trepidare metu, mussare cohortes,
Dirigere animis uisu, mens effera celsit,
Expleri nequit intentus rex usque tuendo
Flagrantes uultus, hæret sed pectore toto.
Non secus Aeneas stupuit, cum fundere Iuli
Visus apex lumen: uel cum Lauinia uirgo
Regales accensa comas, pater ipse Latinus.
Tum sic affaris, sustollens lumina, regem,
Ipse deum tibi me genitor mandata per auras
Ferre iubet, coelum & terras qui numine torquet.
Abstineas à cæde manus, Romanaque linquas
Tecta, nec Ausonium fas est tibi uisere Tybrim.
Cede deo: diuos nec contra audentior ito.
Vix ea fatus erat, cum regi multa paranti
Obstruit os diuum pater, & uox faucibus hæc
Iam tum consilia in melius, tum denique mentem
Vertere rex coepit, ponitque ferocia mitis
Corda, uolente deo: nec iam parat obuius ire,
Quin dictis paret, uetitaque excedere terra
Actutum celerat, patriasque exquirere sedes
Omnibus est animus, par est sententia cunctis.

Ergo

Ergo alacres redeunt, Tu pacis munera Romam
Læta refers; te læta capit Romana iuuentus;
Nomen in astra ferunt, lætis clamoribus omnes
Ingeminant pæana, & festa fronde coronas
Intexunt, caua tum tinnitus turribus altis
Aera cient, referuntq; Leo Leo compita & aræ.
Hæc tua facta quidem, sed quo nūc carmine dicam?
Vel cum restituitq; manum castissima uirgo?
Vel cum consilioq; patrum sacriq; senatus
Dissidium unigenæ reluis, cogisq; fateri
Nestorium esse triplex uno sub numine numen,
Barbarica disiecta manu, noua mœnia Romæ
Tu reparas, urbemq; tuo de nomine ponis.
Tu sacros ritus, tu mystica munera noris,
Et fandi numeros, & sacra uolumina legis.
Tuq; dei interpres, tu præpetis omīna cœli,
Numina tu uatum, & uenientia tempora sentis.
Hinc tua te quando iam fata extrema uocarent,
Et circumfusi gemerent populusq; patresq;,
Hæc ollis oracla canis diuine sacerdos.
Parcite lamentis, lachrymas & mittite inaneis,
Prædicam: ueniet olim labentibus annis
Tyrrhena qui gente meo me nomine reddet,
Atq; umbrata geret regali tempora mitra,
Vni cui pacis studium, cui secula curæ
Aurea, qui rursus pacata per otia mundum
Componet, conuulsa suo qui corpore membra

Restituet, patresq; uocet, sanctumq; senatum,
Sacraq; cui lambent proni uestigia reges.
Quiq; Scythas super & Turcas, super & Garamatas
Proferet imperium Romæ, gentesq; salubri
Mersabit fluuiio, mores uitamq; docebit
Religionem animis, hunc expectate futurum.
Hæc dicens placida compositus pace quiesci,
Aureaq; in folio stellantis regia coeli
Te capit, & diuûm numerum felicior auges.
Vnde reos uoti damnas, propriusq; tonantis
Colloquio frueris diuino nectare pastus.
Salue sancte pater Romani maxime custos
Imperij, salue magnum decus addite magnis
Coelicolis, Italæ magnum decus addite genti.
Iamq; tuo felix adsis pater alme Leoni,
Et uotis faueas princeps & rite secundes,
Si tua consequitur cupidus uestigia morum,
Si folium hoc animo & sceptrum sacrumq; Tiaram
Suscepit, populos uocet ut sub foedera pacis:

Diuo tutelari, custodiq; Ferrariæ, San-
cto Georgio, Hymnus.

SVffice plectra pater, nostræq; illabere menti,
In patriam ut rediens digno te carmine dicam,
Post pelagi terræq; minas, post funera acerba,
Sit licet & morbis atq; annis ægra senectus,

Debil

Debilitetqꝫ animi uires,minuatqꝫ uigorem.
Adsis tu tamen alme pater,uiresqꝫ ministra,
(Namqꝫ potes)neqꝫ enim nequicqꝫ summus olympi
Arbiter extremum dederat tibi munus amanti,
Cum dirus tortor caput à ceruice reuellit,
Vnde igitur capiam tantarum exordia laudum?
Quod primum mihi carmen erit? num prima iuuētæ
Gesta tuæ referam? atqꝫ actos tibi puriter annos
In castris,ubi te non ulla licentia flexit?
An cum Cappadocum dicebas iura Tribunus
Gentibus,& clari Melitenæ nominis urbi?
Seu cum Theſſalico medicatum carmine uirus
Nec ſemel hauiſti ſine noxa? quod magus ipſe
Conſpiciēs , proprio eſt factus tibi CHRISTE cruore
Teſtis,& athracias damnauit,iam pius,artes,
An'ne rotam memorem,rapida uertigine,quam tu
Diſtentus radijs,& acuta cuspide clauis
Diſſicis,atqꝫ ima precibus de ſede reuellis?
An cum te plagis laniatum corpore toto
Et ſale conſperſum,tenebris & carcere clauſum
Splendidus inuiſit (dictu mirabile) CHRISTVS,
Et te ſolatus diuino neſtare pauit?
Quid dicam populi in medio cum Cynthius ipſe
Numina falſa deūm propria eſt conſeſſus in æde?
Ignēqꝫ cœleſti ſimulachra incenſa deorum?
Quot per te bello erepti,pelagiqꝫ periclis?
Quot conclamati,atqꝫ iſſis è faucibus orci

Edu

Eductisq; stetit & quoties Ferraria bellis
Inuicta; atq; aliæ centum, quas protegis urbes;
Deniq; gesta tibi tot sunt miracula rerum,
Quæ si cuncta meo complecti carmine sperem,
Idem etiam sperem numero comprehendere cœli
Sydera, & æquoreo quot nent i gurgite pisces.
Præstiterit tamen è multis uel di r unum.
Est lacus arctoum qua Lydia uergit ad axem,
Haud procul à Lyfiæ qui stagnat moenibus urbis,
Fluctibus assurgens, & nigro turbidus æstu.
Editus hic ingens sinuosis orbibus anguis,
Squammeus, horrendo aspectu, cui sanguine & igni
Suffecti ardescunt oculi, uibratq; trilingui
Guttare ferratos dentes, cui naribus ater
Spiritus it, tetrum qui spargit in aëra uirus:
Tum simul & sæuo dat passim uulnera dente,
Vnde oriturq; hominū pecudumq; miserrima cedes,
Huic tandem deuota datur, post funera mille,
Et post mille neces infelix regia uirgo.
Nec potis est precibus genitor, nec diuitis auri
Pondere longæuius dulci succurrere natæ.
Sortibus hæc ductis nam monstro in littore uincta
Sistitur, ex humeris peplumq; sinusq; crepantes
Pendent carbasei, in nodum quos colligit aurum:
Tum super & picto crocei sub tegmine acanthi
Compta, uelut primis ornatur sponfa hymenæis.
Ah uirgo infelix, tu sola in littore monstro

Expo

Exposita: haud tecum quæ te solentur amico
Alloquio comites, non saltem sedula nutrix,
Non famulæ, colubro cum tu data præda fuisti:
Quid tibi mentis erat: uel quæ suspiria uirgo
Fundebas misera, Eheu, in littore sola relictæ:
Quantos ipsa tuo rumpebas pectore questus:
Qualis in Aethopum scopulo religata pependit
Andromede, pœnas iniustas pendere iussa.
Non tulit hanc speciem, non iam Danaëus heros,
Sed CHRISTI miles, illo qui tempore forte
Accelerans Lysæ transibat moenia propter,
Miratus comptæ nexus & uincla puellæ,
Et tanti quæ causa fuat discriminis orat.
Cui uix atollens oculos, procul effuge, uirgo
Hospes, a. similis iuuenem fortuna periclo
Ne dedat, causamq; simul, remq; ordine pandit:
Quam miles placida est solatus uoce gementem.
Interea procul ecce audiri murmure stagnum
Misceri, & simul undarum increbescere fluctus,
Cum uastum è summa monstrū caput extulit unda,
Huc illuc uoluens oculos, quo littore uirgo
Est posita, huc fertur iam spumea, murmurat unda
Qua secat undosum spiris ingentibus æquor
Bellua, qua uertit caudæ uada turbida tractu,
Iamq; tenet littus, per humum iam pectore serpit,
Contorquens uastos immensis orbibus orbis,
Virginis extemplo soluuntur membra timore,

c Inge

Ingemit, & mœrens uix tollit lumina cœlo,
Lumina, nancq; manus arcebat uincula molles,
Tantum aberat serpens quo cespite ducta puella,
Quantum transmittit contorta phalarica telum.
Territus & primo aspectu Melitenius heros,
Ac breuiter summa inspectans conuexa precatur.
Da pater hac dextra infontem seruare puellam,
Et nati, nomenq; tuum proferre per orbem.
Audijt omnipotens, uiresq; animumq; ministrat.
Iamq; olli incendit maior præcordia uirtus.
Ergo salutifero munit sua pectora signo.
Et subito conscendit equum, nec plura ratus,
Arboreum telum simul ocys arripit ingens,
Cornipedisq; ferit calcaribus ilia pronus.
Fertur in aduersum magno conamine monstrum,
Ceruicemq; ferit, qua spinæ iungitur armus.
Vulnere quo læsus lædentem sæuior hydrus.
Insequitur, linguæ micat, & sibila pandit
Ora furens, iam iam instat, quem uirgo tremiscit.
Inspectans, gelidusq; coit formidine sanguis.
At non sic heros, maiores pectore uires
Concipit, & nitens telum fatale coruscat
Ingens fraxineum, & magno simul intonat ore,
Fortunamq; oculis sortitur, & arduus urget
Alipedem: ille uolat rapidus: fortuna nec ictum
Frustratur: ferit hasta latus, costasq; recludit.
Ingentes animos gemino de uulnere sumit

Vipera,

Vipera, & ardenti spūnas agit ore cruentas,
Insequiturq; equitem maculosis orbibus hærens.
Ille retro sensim; dum tandem tempore capto
Correpto campi spatio procurrat in hostem,
Fertur & obnixus qua panditur oris hiatus
Inferit hastile, & guttur transfuerberat ictu.
Paulatim ad terram deuexo labitur anguis
Vertice, scq; suo moriens in sanguine uersat.
Nec mora, nec requies, arrepto protinus ense
Heros colla ferit, caput & ceruice recidit.
Et truncum exanimem porrectum liquit harena.
Quod læti è muris spectantes undiq; ciues,
Clamorem ingeminant, & latè mœnia circum
Responfant ripæq; lacus, & concaua saxa.
Soluatur interea uirgo, uittæq; leuantur,
Pandunturq; urbis portæ, ruit undiq; turba
Visendi studio, seruatoremq; puellæ
Carminibus lætis & festa uoce salutant.
It circum latè uolitans ea fama per urbem,
Et iam grandæui peruenit regis ad aures.
Qui simul ut natam incolumem, cæsumq; draconē,
Ultoremq; equitem CHRISTO uicisse fauente
Audijt, ex templo, sanctum ceu numen, adorat
Præstantem iuuenem, grates cui soluere dignas
Et parat, hortaturq; suis confidere tectis.
Dona dehinc auri infecti, factiq; talenta
Ferri magna iubet, cælataq; Lydia uasa,

Omnia quæ conflata heros largitur egenis:
Grata docens magis esse deo, quæ munera puro
Corde damus, quæ rex fido sub pectore uersans,
Credidit actutum dictis, Christumque fatetur
Esse deum, trinoque unum de numine numen.
Tum uero primum Lysiam abiurasse deorum
Numina falsa ferunt, & sacro fonte piatam,
Salue inuicte dei miles, decus addite ueris
Coelicolis, dudum stellantis regia cœli
Quem tulit, & pedibus qui lucida sidera calcas,
Numine sub cuius Ferraria læta quiescit,
Auspicijs fundata tuis, maioribus aris
Templa tibi nusquam phario de marmore surgunt,
Hic ubi sacra, diesque tuo de nomine festos
Læti agimus, & thura tuis imponimus aris.
Nec gens ulla tuos æque ueneratur honores.
Populifer flaua qua præterlabitur unda
Eridanus niueos pascens in flumine olores,
Quorum carminibus Bethys mulcetur & Indus.
Huc ades o cætusque tuos, tuaque aurea templa
Dexter adi, placidusque animis illabere nostris:
Da nomenque tuum ne cassa in uota uocemus.
Sis bonus o felixque tuis pater optime, tutam
Da patriam à cœli morbis, Martisque furore.
Tum super hunc saltem iuuenem defende periclis,
Egregium forma iuuenem, & præstantibus ausis
Alcidem decus Aonidum, & Tritonidis ingens.

Quem

Quem pater Alfonsus tantis uirtutibus actus,
Firmius Herculeæ cum regnum stare uideret
Ceruicæ, & gemino sub robore fortius esse,
Consortem imperij fecit, partitus habenas,
Hinc senium tranquillus agit, natosq; nepotesq;
Inter, Nestoreos æquans feliciter annos.
Mi uero pater alme seni da uincere iniquam
Pauperiem, geminâ post cladem & funera amicûm.

Ad eundem D. Georg.

HOs ego diue tibi numeros laudesq; canebam,
Idum post clementis funus sine præside puppis
Fluctuat, & studiis discordibus omnia mixta,
Interea & sanctus coit omni ex parte senatus,
Flecte, oro, summum precibus pater alme tonantem,
Ut subeat clauum qui tempestatibus actam,
Dirigat in portum, discussa nube, carinam.

Populus, Ferraria: Lycus, est Lilius;
Fistula uero Hymnus:

POpule quæ bicolor Phaëtontide consita ripa es,
Pastorem amisso ne grege sperne Lycum.
Accipe quæ fragili compacta est fistula canna,
Nec dedigneris munera parua senis.
Sic tuus Alcides uictor, quæ monstra uagantur
Cuncta domet, uinctus tempora fronde tua.

Excitatio in Parasceue,

Corpora morte obita exurgunt, excisaq; saxa
Atq; elementa gemunt in nece CHRISTE tua.
Ecquid ego hic iaceo, nec saxea corda liquefunt,
Diffuso nec lachrymis in nece CHRISTE tua?
Vnde rigor tantus mihi? me tu respice tantum
CHRISTE, fluent lachrymis saxea corda pijs:

Ad M. Hieronymum Vidam poetam,

Dli patrij indigetes, Dñ, quos & maxima rerum
Roma colit, septemq; suis in collibus aras
Seruat adhuc, seruate precor mea gaudia Vidam.
Vidam Musarum comitem, quem carmina semper,
Et pia sacra iuuant, niueaq; in ueste sacerdos,
Et uobis Musisq; canit, discrimina uocum
Qui numeris aptare ualet, seu pectine eburno,
Seu curua uelit ille lyra (mirabile dictu)
Atq; feras & saxa trahit dulcedine cantus.
Huic Stygiū prohibete malū, indignūq; Promethēi,
Vt luat hic audax facinus, coeliq; rapinam.
Quis caneret Diuos? quis thure & floribus aras
Spargeret? æternumq; sacris accenderet ignem?
Quis Medicamq; domū, primaq; ab origine gentem
Magnanimū heroum? quis tot discrimina adijisse
Insignem pietate uirum, quem tempore longo
Errantem patria profugum miseratus ab alto

Restit

Restituit tandem diuūm pater ,qꝫ hominum rex:
Quo extemplo pacata omnis Florentia,& omnis
Seditio,nullo ciuili infecta cruore,
Cuius ubi inspexit mores,animumqꝫ quietum
In cunctos,proprioscqꝫ hostes(nam uincere solum
Non proferre iras quærit,non perdere gentes)
Hunc sibi consortem reuocauit,in partemqꝫ uocauit
Imperiꝝ,triplicisqꝫ dedit diadema coronæ,
Affereret gentes ut iniqua ab lege tyrannūm:
Hic ò,hic Roma tibi cunctando restituit rem:
Hic reget imperio populos,uincetqꝫ rebelles,
Et contemptores superūm,atqꝫ abolere nefandum
Iam nomen parat,& sceleratam excindere gentem
Tutariqꝫ prius summi cunabula regis.
Ne diuūm toties frustra sit credita tellus.
Hic unus Solymos,templa & temerata tonantis
Vltus aget uictor spolijs insignis opimis
Num flammis ambesa uides ut templa reponit:
Vtqꝫ Deūm suspensa tholis donaria figit:
Exequiturqꝫ sacro solennes ordine pompas:
Et sua cuiqꝫ iubet reddi stata sacra quotannis:
Quin age magne Leo susceptum perface munus,
Carpe uiam,inceptis uiden ut Mæotica primis
Horrescit tellus,trepidant ut Caspia regna,
Et Scythicū omne solum,& septē gemini hostia Nil:
Eia age ne dubita,uolucris uictoria penna
Iam uolitat circum , uiden ut circumstetit ingens

Iam

Iam metus, ut turbati animi, concussaꝫ regum
Pectora, iam sibi nulla putant loca tuta tyranni;
Non secus accipitrem simul aspexere columbæ
Diffugiunt, ac tecta petunt, turrisꝫ latebras;
Aut qualis custode lupo, lætoꝫ iuuenco
Occiso, timet ipse sibi, cum rustica pubes
Armatur, fugit ille prius, seꝫ auis altos
In montes, syluasꝫ abdit. Sic impius olim
Iam latebras sibi Turca parat, iam deserit arces
Constantine tuas. spondet Babylonius ultro
Iam Solymas, urbemꝫ sacram, fremit undiqꝫ turba,
Dissensu, abiicit arma manu, & se uicta fatetur.
Vsqꝫ adeo hæc iam fama orbem terroribus implet.
Ergo quid dudum cessas, desueta triumphis
Agmina, quin residesꝫ uocas ad bella cohortes?
Hoc te Roma rogat Capitoli à sede uetusta
Hoc omnis te magne Leo rogat Itala pubes.
Purpureiꝫ patres cristis, hoc mitis Iulus,
Eloquio hoc Bibienna potens, duo lumina patrum,
Certatim hoc reges, quin se tibi protinus addunt
Hispani socios, nec non quas Sequana gentes
Alluit, & quas Rhene tuo complecteris amni,
Et quas septeno cursu perlabitur Ister.
Ultima te sequitur Thule, & glacialis Hyberne,
Quasꝫ mari uasto circumfluit Amphitrite
Insulæ oceano in magno Ionioꝫ frementi.
Ecce tibi frater pura qui nititur hasta

Iulius Hetruscum nomen tua maxime Laurens
(Prole tua felix Laurens & prole nepotum)
Porgenies auctura Italos, gentemq; Quirini.
Numina quem poscunt, cuius per tempora multum
Fata indulgent terris & læta omnia spondent.
Hic uir hic est, tecum qui iam noua bella mouebit,
Imperium fascesq; feret, sæuasq; secures
Accipiet, tecum ut pacata per otia mundum
Componat, tranquilla reget tecum aurea secla.
Quem iuxta sequitur iuuenis qui nomine reddit
Et factis promittit auum, manibusq; parentem,
Cui clypeus leua, quem multo insignit auro
Cælatus mira arte Leo, sex undiq; septus
Orbibus, argumentum ingens, tria lilia florent
Cæruleo, reliquos infecit purpura diues,
Nunc quoq; mature patriæ ciuilia tractat
Munia seu sit pace opus, aut decernere bello.
Tum Pius agmen aget, triplici cui pectora Pallas
Aegide protexit, dedit & trina arma mouere,
Attonitis inhians animis quem turba loquentem
Miratur, ciat hic uerbis, seu mulceat iras.
Vna ingens Picus patrui qui nominis hæres,
Cui pater omnipotens dederat cœlestia nosse,
Naturamq; omnem, & rerum cognoscere causas.
Ah nimium ille quidem raptus melioribus annis.
Hic tibi Musarum pariterq; & munera Martis
Præstiterit, dignus patriæ cui lætior esset

d

Con

Conditio, nec tanta pati discrimina regni.
Filius huic iuxta patris de nomine Picus,
Nec minus incensus patriæ uirtutis amore:
Quem Carrapha tulit dias sub luminis auras
Sebethis, una ante alias pulcherrima Nymphas.
Aspice ut insignis Rhango fulgentibus armis
Annibal ingreditur, longe ut supereminet omnes
Egregius iuuenis forma, & præstantibus ausis,
Quantus in arma ruit, quot humi morientia fundet
Corpora, quam multis uiduabit ciuibus urbes:
Palantes aget hic populos, atq; agmina uertet.
Vel cum inuectus equo, uel cum pedes ibit in hostẽ.
Consilio haud uirtute minor linguaq; disertæ.
Præuenit, hostilesq; actus & tempora, nouitq;
Et lenire animos, aptisq; accendere uerbis.
Proximus huic frater sese mauortius addet
Guidus in arma ferox, cuius de casside uertex
Surgit holorinus, Veneris monumenta paternæ,
Trinacrius quem portat equus, cui pectore & armis
Luxuriat spadix, frons illi atq; ardua ceruix
Alba nitet: tum si qua procul sonuere phalanges,
Terram crebra ferit, hinnituq; æthera complet.
Ipse autem giluo & ferrugine clarus Ibera
Matribus, heu, quantos gemitus, nuribusq; parabit.
Fortunati ambo fratres, præstantibus armis,
Et uirtute pares, animisq; & robore firmo,
Candida quos genuit Leuce prope flumina Rheni:
Leuce

Leuce clara atauis, numerumq; auctura dearum,
Dehinc præstans animi & nulli uirtute secundus
Castilion decus Aonidum: cui carmina semper
Et citharæ cordi: sed ubi dat Buccina signum
Hinc Mauors furit, hinc Tritonia Gorgone sæuit,
Mantua non ullo tantum se iactat alumno.
Post hos turba ingens, qualem haud uidere Mycenæ
Cum Danaum collecta manus ultura rapinam
Hospitiq; fidem: quorum nec nomina quæ sunt,
Nec numerus in præptu est nos comprehendere uersu.
Sed quid ego ingentis perculsus amore Leonis
Inceptisq; prijs digressus carmine primo
Deferui te Vida, animi pars maxima nostri:
Te ne ego crudelis uersantem turbine lethi
Deferui, & quæ uota penatibus & magnis dijs
Concepi: Ah iterum magnæ pia numina Romæ
Vos, rogo, uos seruate pium, seruate poetam
Hæc quem gesta manent plectro maiore canenda,
Sufficiunt uires præsentia numina Nymphæ,
Nymphæ Seriaes, quæ primum serica pensa,
Monstrauere Italis, depexaq; uellera Moro,
Quam latio induxere ex aërio Parnasso
Intactam, miro complexæ Scacchida amore,
Nympharum hæc soror una est, quæ sibi iungere multi
Heroës petiere, illa auersata petentes
Egregium mirata decus pectusq; Fregossi,
Cui lusus artesq; suas narrauit & astus,

His fretus age Vida tuo iam pectore Phœbum
Concipe, Castaliâmq; hauri & Parnassida laurum,
Arma uirumq; canas, totam qui in prælia coget
Europam, pulchra pro libertate tuenda.

Iulio Sadoleto.

Ela age, te bijugi mecum super ardua montis
Raptet amor, cuius pridem patet orbita fratri,
Aeterno accedit propius quo nemo Maroni.
Egregias cuius uirtutes, claraq; scripta
Se præter, nullus potis est æquare canendo.
Ille tibi sydus præsens affulserit, ille
Et rerum causas, naturæq; abdita pandet.
Ille & stellarum numeros, & nomina, & ignes,
Erroresq; uagos Lunæ, Solisq; labores.
Qui motus quatiat sola, qui nam fulmina cœlo
Molitur, quod fas homini, quod legibus æquum.
Quis diuûm metus, & quàm sit uenerabile numen,
At te si qua manet fraternæ gloria laudis,
Ah, ne spinosas Erycina in pectora curas
Inferat, immites scopulos, Acheloïa saxa
Effuge, Circæosq; sinus mutare figuras
Iam pridem solitos uariarum in monstra ferarum:
Nec te sudoris pigeat. Pater ipse canendi
Difficilem esse uiam uoluit, qua semita ducit
Aonas ad montes, uocaliaq; antra sororum.
Scilicet ut magno cœli stent munera nobis.

Huc

Huc uiden ut iam Sanga suo maturior æuo
Nititur, atq; ausis pueri maioribus instat,
Vtq; illum Bibienna puer, puer indole clarus
Sectatur, noua iam ut meditatur carmina Phœbo?
Possem multa tibi uiuentum exempla referre
Bembumq; Vidamq; meum, quibus Itala tantum
Nunc floret terra alina uiris, quibus & Leo magnus,
Et magnus Bibienna ultro largitur honores.
Ergo ad sis Iuli, nec te tibi subtrahe tantum.
In manibus Musæ studio cultuq; frequenti
In quascunq; uoles arteis haud segnius ibunt,
Heroum seu gesta uelis, seu pangere plectro,
Et pugilum cestus, & libera dona Lyæi.
Nec lasciuia tibi molles Elegeia uersus
Abnegat, aspiratq; Charis tibi lumine læto.
Et Venus Aonidum comes, & dux optima uatum,
Nec tibi defuerint (instes modò) Palladis artes.
Quod si tanta sinas elabi commoda Iuli.
Heu frustra, cum mox irrepet cana senectus
Præteritos miser increpitans reuocaueris annos.

Clementi VII. in Adriani mole detento.

TE ne huc immitis Clemens detrusit Hiberus,
Germanusq; ferox? solis ne impune licere
Quod libitum? & miscere datum sanctumq; piumq;
Et templis, ipsisq; aris non parcere diuûm?

d 3

Vnde

Vnde tot Europæ ades, totq; horrida bella,
Et populis tot damna tuis, & funera acerba.
Nunc quoq; (qd' grauius) tua scepra et regna gubernât
Qui miseros spoliare tuo nos munere gaudent,
Et nobis grauiora ferunt, quàm miles Iberus.
Scilicet haud satis excidium uidisse Quiritum,
Direptamq; urbem, & lachrymabile funus amici;
Aeternū heu funus lachrymabile, quo mihi adempta
Spes est, præsidiumq; bonis. cape munus inane
Nunc gemitus tantum, & mœsti suspiria cordis,
(Quando aliud nos dura negât dare tēpora Rhango)
Si quando Ausoniæ crudelia bella quierint,
Digna feres, tumuliq; parem soluemus honorem.
Nunc ò CHRISTE hominū semper miserate labores,
Qui nos morte tua meliorem uiuerem uitam,
Consortesq; facis cœli, miserere rogamus,
Et mundo incolumem Clementem redde labenti,
Sospite quo tranquilla uehet pax otia terris.

Michaël Archangelus.

O Si te meritis tollere laudibus
Cœlestis ualeam uictor adoræ,
Impar nec fuerit si tibi barbitos.
Dicam militiam, atq; horrida prælia,
Queis uictus coluber corruit æthere,
Afferta & superi est regia principis.
Dicam examine quo crimina fontium.

Et

Et functas animas corpore temperas
Quæsitore bone, dicam placidissime
Vt princeps animis labere nuntius,
Instillasq; dei oracula mentibus,
Vt recto miseros tramite dirigis,
Fallacemq; doces flectere semitam,
Dicam coetibus ut præfueris prius,
Et custos Solymæ sabbata rexeris,
Donec uera dei uirginis integra
Aluo progenies edita contulit
Lucem ueridicis uatibus abditam,
Ex quo præpositus gentibus es pñs,
Et CHRISTI populum dirigis aliger.
Dicam quanta feras undiq; munera,
Et nunc aërio maxima uertice
Gargani, hic ubi surgit uenerabilis
Aedes ætheria (mirum) ope condita.
Dicam ut plura mihi commoda sufficis,
Depressumq; tuo munere subleuas,
Atq; auctum recreas me patrimonio.
Vires interea dum mihi comparo
Languenti, & meditor templa reponere
Collabentia, nunc fretus ope & tua
Et Pici, faueas, nec finito irrita
Vota esse, æqua pñ si modo poscimus,
Mox maiora tibi pectine concinam
Lesboo orsa memor, dux bone mentium.

FINIS.

4422312